

Morning Regional Dogri News Bulletin, 06th July 2024

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

1. जम्मू कश्मीर च विधानसभा चुनां करोआने लेई तैआरिएं पर सोच बचार करने लेई चुनां आयोग नै 10 जुलाई गी इक उच्ची सतह दी बैठक सददी दी ऐ।
2. राष्ट्रपति द्रौपदी मुर्मू होरें जम्मू कश्मीर पुलस दे 5 कर्मिएं ते इक वीडिसी मिंबर समेत कुल 26एं गी वीरता पुरस्कार कन्नै सम्मानत कीता।
3. श्री अमरनाथें दी यात्रा पूरी चाल्ली रमानदारी ते बवस्था आले ढंगै सिर जारी, पवित्र गुफा च दर्शन करने आलें दी गिनतरी डेढ लक्ख कोला पार। जम्मू थमां 5 ज्हार 876 श्रद्धालुएं दा इक होर जत्था अज्ज बडलै घाटी लेई खाना होआ।
4. महिला दी त्रऊं टी-20 मैचें दी श्रृंखला दे पैहले मैच च दक्खन अफ्रीका नै भारत गी 12 रंजें कन्नै हराया।

<><><><><><>

ECI-Meet

जम्मू कश्मीर च विधानसभा चुनाएं लेई जिमीं तैआर करने लेई भारत चुनां आयोग नै औंदी 10 जुलाई गी केन्द्र शासत प्रदेश दे जिला चुनां अधिकारिएं कन्नै इक बैठक तैह कीती दी ऐ। इस बारे जारी इक जानकारी मूजब जम्मू कश्मीर दे मुख् चुनां अधिकारी हुंदे मूजब एह बैठक वर्चुअल ढंगै नै लोआई जाग जेहूदे च चुनां तैआरिएं, बारे बक्ख-बक्ख पैहलुएं पर सोव बचार कीता जाग जिंदे च बक्ख-बक्ख जिला सतह दिएं सियासी पार्टिएं दे मुद्दे, चुनां पंजीकरण अफसरें, बूथ सतह दे अधिकारिएं गी तैनात करने, घर-घर जाइयै तस्दीक करने दा कम्म ते इससै चाल्ली दे कम्में कारवाइएं दे बारे च जमीनी स्थिति दे बारे च चर्चा कीती जाग। एहदे इलावा मतदाता सूचिएं, फोटू लग्गे दे मतदाता शनाख्ती कार्ड, संगठित मसोदा सूचि जनेए विषयें पर बी बचार ते जानकारी सांझी कीती जाग। जिला चुनां अधिकारिएं गी इनें विषयें ते कम्में सब्बै सारी जानकारी 9 तरीक तगर तैआर करी रखने लेई आखेआ गोदा ऐ।

<><><><><><>

BJP Election

कोयलें ते खनाने सरबंधी मैहकमे दे केन्द्र मंत्री जी.कृष्ण रेड्डी जेह्ड़े जम्मू कश्मीर बीजेपी दे चुनां प्रीगारी बी ऐन, होरें कल अपने पाटी कार्जकर्ताएं गी आखेआ जे ओ जम्मू कश्मीर च होने आले विधानसभा चुनाएं लेई अपने आप गी पूरी चाल्ली तैआर रखन, जेह्ड़ा नेड़मे भविकख च कुसै बेल्ले बी होइ सकदा ऐ। कल संजा बीजेपी दे औहदेदारें दी बैठक गी संबोधत करदे होई श्री रेड्डी होरें आखेआ जे समूलचा देसभावात्मक तौरा पर जम्मू कश्मीर कन्नै जुड़े दा ऐ ते दफा 370 गी हटाना नरेन्द्र मोदी सरकारै दी सब्बने शा बड्डी उपलब्धि ऐ।

<><><><><><>

Modi UK PM

प्रधानमंत्री नरेन्द्र मोदी होरें बरतानिया दे नमें प्रधानमंत्री कीर स्टार्मर होरें गी चुनाएं उंदी पार्टी दी शानदार जित्त लेई ममारकबाद दित्ती ऐ। अपनी इक सोशल मीडिया पोस्ट च मोदी होरें आखेआ जे ओह भारत ते बरतानिया बश्कार सरबंधें गी होर निग्गर बनाने सब्बने क्षेत्रें च व्यापक रणनीतिक सांझ भ्याली ते सांझे विकास ते खुशहाली गी अगली सतह तोड़ी लेई जाने दी तांग रखदे न।

<><><><><><>

Gallantary Awards

राष्ट्रपति द्रौपदी मुर्मू होरें कल 5 जुलाई गी नमीं दिल्ली च राष्ट्रपति भवन च लोआए गेदे वीरता पुरस्कार अलकरण समारोह दे पैहले गेड़ दरान थेआर बंद बलें, केन्द्री थेआरबंद पुलस बलें ते राज्यें ते केन्द्र शासत प्रदेशें दे पुलस कर्मिएं गी 10 कीर्ति चक्र, 26 शौर्य चक्र भेंट कीते। वीरता पुरस्कार हासल करने आले च 5 जम्मू कश्मीर पुलस ते 1 वीडिसी मिंबर ऐं जिनें एह सम्मान दित्ते गे न, उंदे च सलेक्शन गेड़ कांस्टेबल सैफ उल्लाह कादरी जिनेंगी मरणोपरांत सम्मानत कीता गेआ। एहदे अलावा जम्मू कश्मीर पुलसै दे एसपी मोहन लाल, सब इंस्पैक्टर अमित रैणा, सब इंस्पैक्टर फिरोज अहमद ते कांस्टेबल वरुण सिंह होरें गी बी वीरता दित्ता गेआ। एहदे इलावा राष्ट्रपति होरें राजौरी थमां वीडिसी मिंबर परषोत्तम कुमार होरें गी शौर्य चक्र कन्ने सम्मानत कीता। एहदे इलावा राष्ट्रपति होरें पुंछ दे बसनीक ते फौज दे विशेष बल दे हवलदार अब्दुल माजिद होरें गी बी मरणोपरांत कीर्ति चक्र कन्ने सम्मानत कीता।

<><><><><><>

LG Crez

उपराज्यपाल मनोज सिन्हा होरें कल श्रीनगर राजभवन च चैक गणराज्य दे भारत च राजदूत डॉ. एलिस्का जिगोवा हुंदे कन्नै मलाटी लाई। श्री सिन्हा होरें चैक गणराज्य दी राजदूत कन्नै जम्मू कश्मीर च बक्ख-बक्ख क्षेत्रें च रास पूंजी लाने दी संभावनाएं पर गल्लबात दे अलावा प्रधानमंत्री नरेन्द्र मोदी हुंदी नुमायंदगी च जम्मू कश्मीर च होआ करदे ऐतिहासक बदलावें पर बी चर्चा कीती। उपराज्यपाल होरें चैक गणराज्य दे बपारी लीडरें गी जम्मू कश्मीर च मजदूद बेशुमार मौकें दा पता लाने लेई साददा दित्ता। डॉ. एलिस्का जिगोवा होरें आपसी विकास ते सैहयोग गी बढ़ावा देने पर टकोहदा ध्यान देने दे कन्नो कन्नी भारत कन्नै सांझ भ्याली गी होर बी मता तगड़ा करने लेई चैक गणराज्य दी वचनबद्धता दोहराई।

<><><><><><>

CS Flats

मुख्य सचिव अटल डुल्लू होरें कल कश्मीरी पंडत विस्थापत समुदाय दे पी.एम.पैकेज दे मलाजमें दे ठैहरने लेई बनाए जा'रदे आरजी रिहायइशी थाहरें पर जारी कम्में दा जायजा लैता जेड़ियां कश्मीर घाटी च 12 बक्ख-बक्ख थाहरें पर तैआर कीतियां जा'रदियां न। इस बारेसद्दी गेदी बैठका च जानकारी दित्ती जे कुल 6 ज्हार फ्लैटें चा 4 ज्हार 800 दा निर्माण कम्म चलै करदा ऐ जिसलै जे 2 ज्हार 88 फ्लैट बनियै तैआर न ते 998 फ्लैट योग्य मेदवारें गी लाट बी करी दित्ते गेदे न। एह्दे इलावा 2 ज्हार 712 फ्लैटें दा कम्म मुकम्मल होले दे कोलकाल ऐ ते मेद ऐ जे तौले गै इब्बी लाभार्थी विस्थापत मलाजमें गी साँपी दित्ता जाग।

<><><><><><>

DM-Jammu

जम्मू दे जिला मैजिस्ट्रेट होरें जिले च नैलन धागें दी बिक्री दा इस्तेमाल पर तुरत प्रभाह शा बंदश लाई दित्ती ऐ। भारतीय नागरिक सुरक्षा संहिता बीएनएसएस दी दफा 163 तैहत जारी कीते गेदे इक हुक्म राएं जिला मैजिस्ट्रेट होरें आदेश दित्ता जे समूलचे जम्मू जिले च पतंगें गी डोआने आस्तै कोई बी जना प्लास्टक जां नैलन दी डोर जां फही इस्सै चाल्ली कोई बी सिंथेटिक सामग्री ना ते बेची जां इस्तेमाल कीती जाई सकदी ऐ। हुक्मै च आखेआ गेआ ऐ जेकर कोई बी इस आदेश दी पालमा नेई करोग, उसी भारतीय न्याह संहिता दी दफा-223 दे प्रावधानें मताबक सजा दित्ती जाग।

<><><><><><>

Amarnath Yatra

जम्मू कश्मीर च श्री अमरनाथ दी सलाना यात्रा पूरी चाल्ली रमानदारी ते बवस्था आले ढंगै सिर जारी ऐ। यात्रा दे 7में घ्याडे कल 21 ज्हार 686 श्रद्धालुएं पवित्र गुफा च मत्था टेकेआ ते कुदरती बर्फू नै बने दे पवित्र शिवलिंग रूपै दे दर्शन कीते। एहदे कन्नै गै 29 जून गी शुरू होई दी इस यात्रा दरान श्री अमरनाथें दी यात्रा च हाजरी देने आले श्रद्धालुएं दी गिनतरी 1 लख 52 ज्हार 946 होई गई ऐ। तांई जम्मू थमां अज्ज बडलै यात्रिएं दा इक होर जत्था 5 ज्हार 876 श्रद्धालुएं गी लेइयै जम्मू दे भगवती नगर आले आधार शिविर थमां घाटी लेई रवाना होआ। लौहकी बडिडएं कुल 245 गडिडएं दे काफले च रवाना इस जत्थे च 4 ज्हार 501 मर्द, 1 ज्हार 118 महिलां, 18 न्याणे, 215 साधु ते 24 साध्विया शामिल न जेह्दे बम्म बम्म भोले दे जयकारे लांदे पहलगाम ते बालटाल आले बेस कैपें लेई रवाना होए।

<><><><><><>

Ramban Board

चला करदी श्री अमरनाथ दी सलाना यात्रा दरान ट्रैफिक पुलस रामबन नै गडिडएं दी आओजाई गी सुचारू बनाने आस्तै रामबन जिले दिएं नाशरी, पीडा ते चन्द्रकोट जनेई सब्बै मुख मुख थाहरें पर बोर्ड लाइयै मोअर गडिडएं दे मकैनकें दे मोबाइल नंबरें गी लिखे दा ऐ तां जे कुसै गडिडी दे खराब होने पर तुरत गै मकैनक कन्नै संपर्क कीता जाई सकै। रामबन थमां आकाशवाणी संवाददाता नै दस्सेआ जे इस गैह कन्नै श्री अमरनाथ यात्रुएं दे अलावा इस राश्ट्री जरनैली शिडकै पर सफर करने आले होर दुए लोकें गी बी मदाद थहोआ'रदी ऐ।

<><><><><><>

Women Cricket

महिला क्रिकेट च दक्खन अफ्रीका नै कल रातीं चेन्नई दे एम.ए.चिंदबरम स्टेडियम च त्रऊं मैचें दी जी-20 अंतर्राश्ट्रीय श्रृंखला दे पैहले मैच भारत गी 12 रंजें कन्नै हराई दित्ता। जित्त लेई 190 रंजें दा पिच्छा करदे होई भारतीय महिला टीम नै तैह 20एं ओवरें च 4 विकटें दे नुकसान पर 177 रंज बनाए। एहदे शा पैहले दक्खन अफ्रीका नै 20एं ओवरें च 4 विकटें दे नुकसान पर 189 रंज बनाए हे।

<><><><><><>

Mandal

बिजली पिकास मैहकमे दे प्रधान सचिव एच.राजेश प्रसाद होरें कल जम्मू दे ब्लाक डंसाल च जनता दिएं शकैतें—परेशानिएं गी दूर करने दे मकसद कन्नै इक आम दरबार दी प्रधानता कीती। दरबार दरान श्री प्रसाद होरें लोकें गी अपील कीती जे ओह बिजन कटौती दी बिजली जकीनी बनाने आस्तै अपने घरें—दुकाने स्मार्ट मीटर लोआन। उनें गलाया जे जायज मंगें ते शकैतें पर तुरत कारवाई कीती जाग।

<><><><><><>

Shiv Khori

रियासी जिले च लगने आला सालाना शिव खोड़ी सावन महोत्सव ऐदकी 22 जुलाई थमां शुरू होआ करदा ऐ। एह 19 अगस्त तगर जारी रौहग। रियासी दे डिप्टी कमीशनर हुंदी प्रधानता च कल लग्गी दी बैठक च दस्सेआ गेआ जे महोत्सव च मन्ने परमन्ने दे गायकें ते मकामी बेहूतरीन कलाकारें आस्सेआ भगवान शिवें गी समर्पित भेटें दे अलावा शिव कथाएं सनें बक्ख—बक्ख धार्मिक कार्यक्रमें दा सरिस्ता कीता जाग। बैठक दरान महोत्सव च शामिल होने आले भक्तें दी सुरखा दे निग्गर बंदोबस्तें पर चर्चा दे कन्नो कन्नी उनेंगी बेहूतरीन सहूलतां उपलब्ध करोआने पर बी बचार बमर्श कीता गेआ।

<><><><><><>

Search Operation

कठुआ जिले च अंतर्राष्ट्रीय बन्ने कश लगदे इक ग्रां दे बसनीक गी अपने क्षेत्र च सरहद पार जा करदी सुरंग दा पता लगने परैंत सुरक्षा बलें तपाशी अभियान चलाया। रिपोर्ट मताबक हीरानगर बैल्ट दे थांगली ग्रां दे इक करसान नै दिक्खेआ जे ओहूदे क्षेत्र च जाने आला पानी इक लोहूके जनेह मंगोर च जा करदा ऐ, उसी शक्क होआ जे एह कोइ सुरंग होई सकदी ऐ। ओहूदे मगरा सुरक्षा बलें तपाशी उत्थें अभियान चलाया। इस सरबंधें च होर मती जानकारी गी बलगेआ जा करदा ऐ।

<><><><><><>